



alpines museum  
 alpine museum  
 musee alpin  
 museo alpino  
 museu alpin

## MUSEUM ALPIN BERNA

### «Check-in Check-out. Tuot davart ospitalited»

Cun l'exposiziun «Check-in Check-out. Tuot davart ospitalited» do il Museum Alpin da la Svizra ün'invista illa brisanta cartoteca da giasts dal Grandhotel Waldhaus a Vulpera e metta la tematica in relaziun cun la cultura da valütaziun da Trip Advisor. Pü bod haun ils hotels fat lur notizchas dal giast – hozindi fo que il giast sün plattafuormas da valütaziun. Scu cha'l Museum Alpin Svizzer scriva in üna comunicaziun, es l'exposiziun illa localited «Biwak» e's focusescha sün üna tscherta fatschetta da l'istorgia dal turissem alpin svizzer. Punct da partenza sun las passa 20 000 cartulinas dals ans 1921 fin 1960 dal Grandhotel Waldhaus, chi faivan part da la brisanta cartoteca da giasts. Sün quellas haun ils impiegos noto minuziusamaing tuot las observaziuns dals giasts. Dal 1989 es l'hotel ars fin sülla fundamainta, ma la cartoteca ho survivieu. (cdm/fmr)



**Giasts davaunt il Grandhotel Waldhaus Vulpera.** FOTO FUNDAZIUN FOTOGRAFIA FEUERSTEIN

**L'exposiziun «Check-in Check-out. Tuot davart ospitalited» evra in venderdi, ils 29 settember 2023 e po gnir visitada fin als 19 meg 2024.**